

313.

Na osnovu člana 16. stav 3. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), člana 25., Zakona o ustanovama („Službeni list R BiH“, broj 6/92, 8/93, i 13/94), a u skladu sa članom 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03 i 34/03) i članom 129. stav 2., Zakona o srednjoj školi („Službene novine Zeničko-dobojskog kantona“, broj 05/04, 20/07, 19/09 i 09/11), nakon provedenog postupka po Oglasu za izbor i imenovanje članova školskih odbora u osnovnim i srednjim školama na području Zeničko-dobojskog kantona, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 118. sjednici, održanoj dana 25.07.2013. godine d o n o s i

### **R J E Š E N J E**

**o konačnom imenovanju predsjednika i člana  
Školskog odbora iz reda lokalne zajednice Druge  
gimnazije u Zenici**

#### **I.**

Imenuju se predsjednik i član Školskog odbora Druge gimnazije u Zenici do isteka mandata:

1. Ormanović Šemso – predsjednik, iz reda Osnivača,
2. Beganović Besim – član, iz reda lokalne zajednice.

#### **II.**

Predsjednik i član Školskog odbora iz tačke I ovog rješenja imenuju se do isteka mandata Školskog odbora Druge gimnazije u Zenici.

#### **III.**

Rješenje stupa na snagu narednog dana od dana objavljivanja u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

Broj: 02-38-16208/13.

**PREMIJER**

Datum, 25.07.2013. godine

Zenica

**Munib Husejnagić, dipl.ing.maš., s.r.**

### **MINISTARSTVO UNUTRAŠNJIH POSLOVA**

314.

Na osnovu člana 19. stav (2) tačka 3. Zakona o unutrašnjim poslovima Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 15/04, 11/05 i 9/09) i člana 58. stav (1) tačka b) Zakona o nabavljanju, držanju i nošenju oružja i municije („Službene novine Zeničko-dobojskog kantona“, broj: 19/09, 4/11 i 6/13), na prijedlog policijskog komesara, ministar Ministarstva unutrašnjih poslova Zeničko-dobojskog kantona (u daljem tekstu: ministar), d o n o s i

### **PRAVILNIK**

**O PROVOĐENJU OSPOSABLJAVANJA I OCJENI  
OSPOSABLJENOSTI ZA PRAVILNO RUKOVANJE  
VATRENIM ORUŽJEM**

### **DIO PRVI – OPĆE ODREDBE**

#### **Član 1. (Predmet)**

Ovim Pravilnikom propisuje se Program obuke, sastav, način rada, osposobljavanja i ocjene osposobljenosti za pravilno rukovanje, držanje i nošenje vatrenog oružja kandidata koji podnose zahtjev za izdavanje odobrenja za nabavljanje, držanje i nošenje kratkog vatrenog oružja i lovačkog oružja za zaštitu imovine u ličnoj svojini (u daljnjem tekstu: Program osposobljavanja), trajanje Programa osposobljavanja, način prijavljivanja za polaganje ispita i izdavanje potvrde o položenom ispitu, troškovi osposobljavanja, imenovanje i sastav komisija Ministarstva unutrašnjih poslova Zeničko-dobojskog kantona koje vrše osposobljavanje za pravilno držanje, nošenje i rukovanje vatrenim oružjem i polaganja ispita o ocjeni osposobljenosti za rukovanje vatrenim oružjem i poznavanje propisa, vođenje evidencija, obrasci i dr.

#### **Član 2. (Ravnopravnost spolova)**

Gramatička terminologija u ovom Pravilniku podrazumijeva uključivanje oba spola.

**DIO DRUGI – PROGRAM I POSTUPAK  
OSPOSOBLJAVANJA ZA PRAVILNO  
RUKOVANJE, DRŽANJE I NOŠENJE  
VATRENOG ORUŽJA**

**Član 3.**

**(Sadržaj Programa osposobljavanja)**

- (1) Program osposobljavanja sastoji se iz teoretskog i praktičnog dijela.
- (2) Teoretski dio Programa osposobljavanja sadrži upoznavanje sa odgovarajućim odredbama Zakona o nabavljanju, držanju i nošenju oružja i municije, Krivičnog zakona Federacije Bosne i Hercegovine, Zakona o javnom redu i miru Zeničko-dobojskog kantona i općinskih odluka o javnom redu i miru, a naročito:
1. nužna odbrana,
  2. krajnja nužda,
  3. prijava nabavke oružja,
  4. zamjena vatrenog oružja,
  5. prenos prava vlasništva, korištenja i raspolaganja vatrenim oružjem,
  6. postupanje sa oružjem i municijom,
  7. čuvanje oružja i municije,
  8. ograničenja u pogledu nošenja i davanja na poslu oružja i municije,
  9. postupak u slučaju gubljenja ili krađe oružja i isprava o oružju,
  10. pronalazak oružja ili municije,
  11. obaveza prijave promjene prebivališta,
  12. oduzimanje oružja i municije,
  13. popravljavanje i prepravljavanje oružja,
  14. krivična djela i prekršaji,
  15. kaznene odredbe, mjere sigurnosti i dr.

(3) Praktični dio Programa osposobljavanja sadrži:

- a) namjenu, borbene osobine, glavne dijelove oružja (pištolja, revolvera i lovačkog oružja iz člana 9. stav (3) i člana 10. stav (4) Zakona o nabavljanju, držanju i nošenju oružja i municije), pravilno rukovanje, rastavljanje i sastavljanje oružja, zastoji i način njihova otklanjanja,
- b) pripremu za praktičnu obuku s vatrenim oružjem (psihološka priprema za gađanje, stavovi za gađanje, tehnika nišanjenja i okidanja),
- c) mjere sigurnosti prilikom gađanja iz vatrenog oružja.

- (4) Program osposobljavanja iz stava (3) ovog člana ne obuhvata praktično izvođenje gađanja.
- (5) Nadležna policijska stanica vrši upućivanje građana na osposobljavanje za pravilno rukovanje, držanje i nošenje vatrenog oružja, u skladu sa odredbama Zakona o nabavljanju, držanju i nošenju oružja i municije.

**Član 4.**

**(Trajanje Programa osposobljavanja)**

- (1) Program osposobljavanja, propisan ovim Pravilnikom, traje najmanje 4 nastavna sata.
- (2) Teoretski i praktični dio Programa osposobljavanja traje najmanje po dva nastavna sata.

**Član 5.**

**(Lica koja podliježu obavezi osposobljavanja)**

Osposobljavanju za pravilno držanje, nošenje i rukovanje vatrenim oružjem podliježu sva fizička lica koja su podnijela zahtjev za izdavanje odobrenja za nabavljnje vatrenog oružja, izuzev lica koja su po Zakonu o nabavljanju, držanju i nošenju oružja i municije oslobođena obaveze osposobljavanja.

**Član 6.**

**(Provođenje osposobljavanja)**

Osposobljavanje kandidata po Programu osposobljavanja iz člana (3) ovog Pravilnika provodi Komisija iz člana 8. ovog Pravilnika za svaku policijsku upravu, a koju imenuje policijski komesar na vremenski period od dvije godine.

**Član 7.**

**(Podnošenje prijave)**

- (1) Prijava za osposobljavanje po Programu osposobljavanja iz člana 3. ovog Pravilnika podnosi se nadležnoj policijskoj stanici prema mjestu prebivališta na obrascu broj 1. koji je sastavni dio ovog Pravilnika.
- (2) Nadležna policijska stanica dužna je prijavu odmah a najkasnije u roku od pet dana dostaviti Komisiji za osposobljavanje iz člana 8. ovog Pravilnika.

**Član 8.**

**(Komisija za provođenje osposobljavanja za pravilno rukovanje vatrenim oružjem i poznavanje propisa)**

- (1) Komisija za provođenje osposobljavanja za pravilno rukovanje vatrenim oružjem i poznavanje propisa (u daljem tekstu: Komisija za osposobljavanje) se sastoji

od dva člana: jednog predavača, jednog instruktora i lica koje će obavljati administrativno-tehničke poslove za potrebe komisije, koji mogu imati svoje zamjenike.

- (2) Teorijski dio obuke izvode predavači, a praktični dio instruktori.
- (3) Predavači moraju ispunjavati sljedeće uslove: visoka stručna sprema društvenog ili tehničkog smjera i najmanje tri godine radnog iskustva, a instruktor najmanje čin inspektora.
- (4) Komisija za osposobljavanje je dužna voditi zapisnik o provedenom osposobljavanju kandidata koji sadrži: ime (ime oca) prezime, datum podnošenja prijave, datum održanog osposobljavanja, članovi komisije i konstataciju da li je kandidat uspješno prošao obuku osposobljenosti.
- (5) O provedenom osposobljavanju iz stava 1. ovog člana, izdaje se potvrda, na obrascu broj 2. koju potpisuje načelnik policijske uprave i ovjerava se pečatom nadležne policijske uprave.
- (6) Potvrda iz stava (5) ovog člana izdaje se u dva primjerka od kojih se jedan primjerak uručuje kandidatu a drugi primjerak zadržava Komisija za osposobljavanje za svoje potrebe.
- (7) Komisiji za osposobljavanje pripada naknada koju određuje ministar, posebnim aktom.

#### **Član 9.**

##### **(Troškovi osposobljavanja i polaganja ispita)**

Troškove osposobljavanja i polaganja ispita utvrđuje ministar posebnom odlukom, a plaća podnosilac zahtjeva.

### **DIO TREĆI - PROVOĐENJE ISPITA**

#### **Član 10.**

##### **(Prijava za polaganje ispita)**

- (1) Kandidati su, nakon završenog osposobljavanja po Programu iz člana 3. ovog Pravilnika, dužni položiti ispit o ocjeni osposobljenosti za pravilno rukovanje, držanje i nošenje vatrenog oružja.
- (2) Prijavu za polaganje ispita kandidati mogu podnijeti nakon završenog osposobljavanja za pravilno rukovanje, držanje i nošenje vatrenog oružja nadležnoj policijskog stanici Ministarstva, koja je dužna prijavu odmah dostaviti Komisiji Ministarstva iz člana 12. ovog Pravilnika.

- (3) Prijava za polaganje ispita iz stava (1) ovog člana podnosi se na obrascu broj 3. koji je sastavni dio ovog Pravilnika.

#### **Član 11.**

##### **(Ispit)**

- (1) Ispit se sastoji iz provjere znanja teoretskog i praktičnog dijela Programa osposobljavanja koji je javan.
- (2) Ispitivanje se vrši u toku jednog dana.
- (3) Prilikom provjere znanja iz teoretskog dijela Programa osposobljavanja, kandidatu se usmeno ili pismeno postavlja pet pitanja iz pojedinih oblasti po redu koji odredi predsjednik komisije iz člana 12. ovog Pravilnika.
- (4) Prilikom provjere znanja iz praktičnog dijela Programa osposobljavanja vrši se provjera o tehnici nišanjenja i okidanja, odnosno pravilnom rukovanju oružjem, rasklapanju i sklapanju oružja, pražnjenje i punjenje oružja, otklanjanje najčešćih zastoja na oružju.
- (5) Ocjenu uspjeha kandidata sa teoretskog i praktičnog dijela ispita utvrđuje komisija iz člana 12. ovog Pravilnika i ista se javno saopštava kandidatu.
- (6) Kandidat može ispit iz stava (1) ovog člana polagati više puta.
- (7) Ponovnom polaganju ispita kandidat može pristupiti najranije 10 dana nakon polaganja ispita, pri čemu podnosi novu prijavu.

#### **Član 12.**

##### **(Komisija za ocjenu osposobljenosti za pravilno rukovanje, držanje i nošenje vatrenog oružja)**

- (1) Komisiju za ocjenu osposobljenosti za pravilno rukovanje, držanje i nošenje vatrenog oružja (u daljem tekstu: Komisija za ispit), na prijedlog policijskog komesara, imenuje ministar.
- (2) Komisiju za ispit sačinjavaju predsjednik, jedan član i lica koje će obavljati administrativno-tehničke poslove za potrebe Komisije, koji mogu imati svoje zamjenike.
- (3) Predsjednik, član i zamjenici Komisije za ispit se imenuju na vremenski period od dvije godine.
- (4) Predsjedniku, članu, zamjenicima i administrativno-tehničkom licu Komisije za ispit, za obavljanje poslova propisanih ovim Pravilnikom, pripada naknada koju određuje ministar, posebnim aktom.

**Član 13.**  
**(Način rada Komisije za ispit)**

- (1) Provođenje ispita o ocjeni osposobljenosti za pravilno rukovanje, držanje i nošenje vatrenog oružja kandidata, vrši Komisija za ispit iz člana 12. ovog Pravilnika.
- (2) Komisija za ispit, nakon provedenog ispita iz stava 1. ovog člana, sačinjava zapisnik, koji potpisuju predsjednik i član Komisije za ispit, koji treba da sadrži i konstataciju da li je podnosilac prijave položio ispit.
- (3) Predsjednik Komisije za ispit određuje vrijeme i mjesto polaganja ispita.
- (4) O datumu, mjestu i vremenu polaganja ispita, predsjednik je dužan da obavijesti kandidata najkasnije 3 dana prije polaganja ispita.

**Član 14.**  
**(Potvrda o položenom ispitu)**

- (1) O položenom ispitu o ocjeni osposobljenosti za pravilno rukovanje, držanje i nošenje vatrenog oružja, nakon provedenog ispita, izdaje se potvrda.
- (2) Potvrdu iz stava (1) ovog člana, izdaje Komisija za ispit iz člana 12. ovog Pravilnika, koju potpisuje predsjednik Komisije i ovjerava se pečatom Ministarstva.
- (3) Potvrda o položenom ispitu iz stava (1) ovog člana nalazi se na obrascu broj 4. koji je sastavni dio ovog Pravilnika.

**DIO ČETVRTI – EVIDENCIJE**

**Član 15.**  
**(Evidencija o provedenom osposobljavanju kandidata)**

- (1) Evidenciju o provedenom osposobljavanju kandidata za pravilno rukovanje, držanje i nošenje vatrenog oružja vodi Komisija za osposobljavanje iz člana 6. ovog Pravilnika.
- (2) Evidencija iz stava (1) sadrži sljedeće rubrike: redni broj, prezime (ime oca) i ime podnosioca prijave, jedinstveni matični broj, datum podnošenja prijave, datum pohađanja obuke, vrsta oružja za koju se vrši obuka i napomene i nalazi se na obrascu broj 5. koji je sastavni dio ovog Pravilnika.

**Član 16.**  
**(Evidencija o provedenom ispitu)**

- (1) Komisija za ispit iz člana 12. ovog Pravilnika, dužna je voditi evidenciju o provedenim ispitima o ocjeni osposobljenosti za pravilno rukovanje, držanje i nošenje vatrenog oružja.
- (2) Evidencija iz stava 1. ovog člana sadrži sljedeće rubrike: redni broj, prezime (ime oca) i ime podnosioca prijave, jedinstveni matični broj, datum podnošenja prijave, datum polaganja, položio (DA-NE), članovi Komisije za ispit i napomene.
- (3) Evidencija iz stava (1) ovog člana nalazi se na obrascu broj 6. koji je sastavni dio ovog Pravilnika.

**DIO PETI – PRIJELAZNE I ZAVRŠNE ODREDBE**

**Član 17.**  
**(Započeti postupci)**

Svi predmeti po podnesenim prijavama za polaganje ispita koji do dana stupanja na snagu ovog Pravilnika nisu okončani završit će se po odredbama Pravilnika koji je bio u primjeni u vrijeme donošenja ovog Pravilnika.

**Član 18.**  
**(Prestanak važenja ranijih propisa)**

Danom stupanja na snagu ovog Pravilnika prestaje da važi Pravilnik o programu, načinu i troškovima rada Komisije za ocjenu osposobljenosti za pravilno rukovanje, držanje i nošenje vatrenog oružja broj: 08-01-02-1-1837-1/10 od 22. 3. 2010. godine.

**Član 19.**  
**(Stupanje na snagu)**

Ovaj Pravilnik stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 08-01-02-1-3962/13  
Datum: 15.7. 2013. godine

**MINISTAR**  
**Rifat Delić, s.r.**

**Obrazac broj 1.**

IME I PREZIME \_\_\_\_\_  
IME OCA \_\_\_\_\_  
DATUM ROĐENJA \_\_\_\_\_  
MJESTO I OPĆINA ROĐENJA \_\_\_\_\_  
ADRESA STANOVANJA \_\_\_\_\_  
JMB: \_\_\_\_\_  
BROJ LIČNE KARTE \_\_\_\_\_  
KONTAKT TELEFON \_\_\_\_\_

**POLICIJSKA STANICA**

---

**PREDMET: PRIJAVA ZA OSPOSABLJAVANJE ZA PRAVILNO RUKOVANJE, DRŽANJE I NOŠENJE  
VATRENOG ORUŽJA**

Na osnovu člana 7. Pravilnika o provođenju osposobljavanja za pravilno rukovanje, držanje i nošenje vatrenog oružja, broj \_\_\_\_\_ od \_\_\_\_\_. godine, podnosim prijavu za osposobljavanje za pravilno rukovanje, držanje i nošenje \_\_\_\_\_ (pištolja, lovačke puške) kao vatrenog oružja.

Dana \_\_\_\_\_. godine upućen sam od strane policijske stanice \_\_\_\_\_, da u roku od 30 dana dostavim dokaz o osposobljenosti za pravilno rukovanje, držanje i nošenje vatrenog oružja.

Uz prijavu prilažem slijedeće:

\_\_\_\_\_  
\_\_\_\_\_

\_\_\_\_\_  
Mjesto i datum

\_\_\_\_\_  
Potpis podnosioca prijave

Obrazac broj 2.

**Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
Ministarstvo unutrašnjih poslova  
Ministarstvo unutarnjih poslova  
Zenica  
Uprava policije  
Polijska uprava\_\_\_\_\_**

Broj:\_\_\_\_\_

Datum:\_\_\_\_\_

Na osnovu člana 9c. stav (1) tačka a) Zakona o nabavljanju, držanju i nošenju oružja i municije ("Službene novine Zeničko-dobojskog kantona, broj: 19/09, 4/11 i 6/13), člana 8. stav (5) Pravilnika o provođenju osposobljavanja za pravilno rukovanje, držanje i nošenje vatrenog oružja, broj \_\_\_\_\_ od \_\_\_\_\_. godine, Komisija za provođenje osposobljavanja za pravilno rukovanje vatrenim oružjem i poznavanje propisa, i z d a j e

**POTVRDU  
O PROVEDENOM OSPOSoblJAVANJU**

Dana \_\_\_\_\_. godine \_\_\_\_\_ iz \_\_\_\_\_, rođen/a \_\_\_\_\_ godine, sa prebivalištem u \_\_\_\_\_, završio je obuku osposobljavanja za pravilno rukovanje, držanje i nošenje vatrenim oružjem \_\_\_\_\_ (vrsta oružja).

\_\_\_\_\_  
Mjesto

\_\_\_\_\_  
NAČELNIK  
POLICIJSKE UPRAVE

**Obrazac broj 3.**

IME I PREZIME \_\_\_\_\_  
IME OCA \_\_\_\_\_  
DATUM ROĐENJA \_\_\_\_\_  
MJESTO I OPĆINA ROĐENJA \_\_\_\_\_  
ADRESA STANOVANJA \_\_\_\_\_  
JMB: \_\_\_\_\_  
BROJ LIČNE KARTE \_\_\_\_\_  
KONTAKT TELEFON \_\_\_\_\_

**POLICIJSKA STANICA**

---

**PREDMET: PRIJAVA ZA POLAGANJE ISPITA ZA PRAVILNO RUKOVANJE, DRŽANJE I NOŠENJE  
VATRENOG ORUŽJA**

Na osnovu člana 10. Pravilnika o provođenju osposobljavanja za pravilno rukovanje, držanje i nošenje vatrenog oružja, broj \_\_\_\_\_ od \_\_.\_\_.\_\_\_\_. godine, podnosim prijavu za polaganje ispita o ocjeni osposobljenosti za pravilno rukovanje, držanje i nošenje vatrenog oružja.

Dana \_\_.\_\_.\_\_\_\_. godine završio sam osposobljavanje za pravilno rukovanje, držanje i nošenje vatrenog oružja.

Navesti podatak da li je podnosilac prijave već izlazio na ispit i datum posljednjeg izlaska: DA – NE (zaokružiti), dana \_\_.\_\_.\_\_\_\_. godine.

Uz prijavu prilažem slijedeće:

- Potvrdu o provedenom osposobljavanju broj: \_\_\_\_\_ od \_\_\_\_\_ godine.
- Dokaz o uplati

---

Mjesto i datum

---

Potpis podnosioca prijave

Obrazac broj 4.

**Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
MINISTARSTVO UNUTRAŠNJIH POSLOVA  
MINISTARSTVO UNUTARNJIH POSLOVA  
ZENICA**

Broj: \_\_\_\_\_  
Datum: \_\_\_\_\_

Na osnovu člana 9c. stav 1. tačka a) Zakona o nabavljanju, držanju i nošenju oružja i municije ("Službene novine Zeničko-dobojskog kantona", broj: 19/09, 4/11 i 6/13) i člana 13. stav (1) Pravilnika o provođenju osposobljavanja za pravilno rukovanje, držanje i nošenje vatrenog oružja, broj \_\_\_\_\_ od \_\_\_\_\_. godine, Komisija za ocjenu osposobljenosti za pravilno rukovanje, držanje i nošenje vatrenog oružja Ministarstva unutrašnjih poslova Zeničko-dobojskog kantona, i z d a j e

**POTVRDU  
O POLOŽENOM ISPITU**

Dana \_\_\_\_\_. godine \_\_\_\_\_ položio je ispit o  
(ime, ime oca i prezime)

osposobljenosti za pravilno rukovanje, držanje i nošenje vatrenim oružjem.

\_\_\_\_\_  
Mjesto

**PREDSJEDNIK  
KOMISIJE**  
\_\_\_\_\_



Obrazac broj 6.

**EVIDENCIJA O PROVEDENOM ISPITU**

| Red.<br>broj | Prezime<br>(ime oca)<br>i ime podnosioca<br>prijave | Jedinstveni<br>matični broj | Datum<br>podnošenja<br>prijave | Datum<br>polaganja | Položio<br>(DA-NE) | Članovi<br>Komisije | Napomena |
|--------------|-----------------------------------------------------|-----------------------------|--------------------------------|--------------------|--------------------|---------------------|----------|
|              |                                                     |                             |                                |                    |                    |                     |          |
|              |                                                     |                             |                                |                    |                    |                     |          |
|              |                                                     |                             |                                |                    |                    |                     |          |
|              |                                                     |                             |                                |                    |                    |                     |          |

.....

315.

Na osnovu člana 225 stav (5) Zakona o osnovama bezbjednosti saobraćaja na putevima u Bosni i Hercegovini (Službeni glasnik BiH br:6/06, 75/06, 44/07, 84/09, 48/10 i 48/13) i člana 11 stav (1) Pravilnika o načinu organi-ziranja predavanja o posljedicama koje proizilaze iz nepoštivanja ili nepoznavanja propisa o sigurnosti saobraćaja na cestama i načinu provjere poznavanja propisa o sigurnosti saobraćaja na cestama (Službeni glasnik BiH br:36/13), ministar Ministarstva unutrašnjih poslova Zeničko-dobojskog kantona donosi:

### **RJEŠENJE**

***o utvrđivanju visine troškova predavanja o posljedicama koje proizilaze iz nepoštivanja ili nepoznavanja propisa o sigurnosti saobraćaja na cestama***

#### **Član 1.**

Troškovi predavanja o posljedicama koje proizilaze iz nepoštivanja ili nepoznavanja propisa o sigurnosti saobraćaja na cestama iznose 500 KM (pet stotina konvertibilnih maraka) po kandidatu.

#### **Član 2.**

Rješenje stupa na snagu danom donošenja i objavit će se u "Službenim novinama Zeničko-dobojskog kantona".

Broj: 08-04/1-14-1-3484/13  
Dana: 01.07. 2013. godine

**MINISTAR**

**Rifat Delić, s.r.**

### **KANTONALNA UPRAVA ZA INSPEKCIJSKE POSLOVE**

316.

Na osnovu člana 78. Zakona o inspekcijama Zeničko-dobojskog kantona („Službene novine Zeničko-dobojskog kantona“, broj: 6/11), direktor Kantonalne uprave za inspeksijske poslove Zeničko-dobojskog kantona, donosi

### **P R A V I L N I K o uzimanju uzoraka proizvoda**

#### **Član 1.**

Ovim Pravilnikom utvrđuje se postupak uzimanja uzoraka od strane inspektora Kantonalne uprave za

inspeksijske poslove Zeničko-dobojskog kantona (u daljem tekstu: inspektor).

#### **Član 2.**

Ako je u inspeksijskom nadzoru potrebno utvrditi da li proizvod prije puštanja u promet i proizvod koji je zatečen u prometu odgovara propisanim uslovima zdravstvene ispravnosti i deklarisanog kvaliteta, inspektor je ovlašten da uzme uzorke i dostavi na ispitivanje stručnim institucijama akreditovanim za vršenje laboratorijskih analiza i superanaliza.

#### **Član 3.**

- (1) Inspektor uzima uzorke u prisustvu subjekta nadzora.
- (2) Subjekt nadzora je dužan besplatno dati potrebnu količinu uzoraka za ispitivanje.

#### **Član 4.**

- (1) Inspektor u pravilu uzima dva uzorka, a može uzeti najviše tri uzorka od istog proizvoda, pod istim uslovima i u isto vrijeme, u količini koja je potrebna za ispitivanje.
- (2) Ako subjekt nadzora to zahtijeva, inspektor je dužan da uzme i treći uzorak, koji upakovan i zapečaćen u skladu sa odredbama člana 5. i 6. ovog Pravilnika, zajedno sa jednim primjerkom zapisnika ostavlja na čuvanje subjektu nadzora, kod kojeg su uzorci uzeti.
- (3) Broj uzoraka određuje se zavisno od stanja proizvoda zatečenog prilikom uzimanja uzoraka i od njihove količine i vrste, kao i od mjesta i datuma proizvodnje.
- (4) Inspektor je dužan sačiniti zapisnik o uzimanju uzoraka i jedan primjerak uručiti subjektu nadzora.

#### **Član 5.**

- (1) Uzorci za analizu uzimaju se na način i u količini koja je određena posebnim propisima u pojedinim oblastima inspeksijskog nadzora.
- (2) Svaki uzorak se pakuje zavisno od stanja i pakovanja u papirne ili plastične kese, staklene ili plastične posude, pergament papir ili plastične folije, a proizvodi u smrznutom stanju čuvaju se u frižideru koji ih održava u smrznutom stanju.
- (3) Ambalaža i drugi materijal za uzimanje i pakovanje uzoraka moraju biti takvog kvaliteta da ne utiču nepovoljno na sastav ili druga svojstva uzoraka.